

Peqqinnissaqarfiup immikkoortuini pinngitsaaliisummik iliuuseqarnernik nalunaarsuiviit nalunaarsukkallu, pinngitsaliilluni iliuutsinik nalunaarsuineq nalunaarutiginninnerlu, kiisalu uninngavimmit angerlartitaanermut atatillugu isumaqatigiissusiorneq ataqatigiissaakkanillu pilersaarusiorneq pillugit Namminersorlutik Oqartussat nalunaarutaat

Tarnimikkut nappaatilinnik nammineersinnaajunnaarsitsineq allatigullu pinngitsaaliisummik iliuuseqarneq pillugu Inatsisartut Inatsisaanni nr. 24-mi, 3. december 2012-imeersumi § 14, imm. 2, § 15, imm. 2, kiisalu § 30, imm. 2, naapertorlugit aalajangersarneqarput:

Kapitali 1

Pinngitsaaliisummik iliuuseqarnernik nalunaarsuiviit nalunaarsukkallu

Pinngitsaaliisummik iliuuseqarnernik nalunaarsuiviit

§ 1. Peqqinnissaqarfiup immikkoortuini tarnimikkut nappaatillit uninnganerannut katsorsartinnerannullu atatillugu nammineersinnaajunnaarsitsiviusinnaasuni allatullu pinngitsaaliisummik iliuuseqarfiusinnaasuni, pinngitsaaliisummik iliuuseqarnernut nalunaarsuiveqassaaq.

Imm. 2. Inatsisartut Inatsisaanni §§ 5-10, §§12-13, § 17, §§ 19-22, § 24, naapertorlugit immikkut nakkutigineqarnernut ataannartumik nal. ak. 24 sinnerlugit sivisussusilinnut § 26-mullu tunngatillugu pinngitsaaliisummik iliuuseqarnernik nalunaarsuivimmut pinngitsaaliinikkut iliuuseqarnerit suulluunniit pillugit paasissutissat ilanngunneqassapput. Tamanna Inatsisartut Inatsisaanni § 23 naapertorlugu nakorsaasiinernut tamanut aamma atuuppoq.

§ 2. Pinngitsaaliisummik unitsitsisoqarnerani pinngitsaaliisummillu tigummigallagassanngortitsinermi pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Nammineersinnaajunnaarsitsinerup sivisussusaa.
- 3) Nammineersinnaajunnaarsitsinermut tunngavilersuutaasoq.
- 4) Nakorsap nammineersinnaajunnaarsitsinermi akisussaasuusup aqqa.

- 5) Nammineersinnaajunnaarsitaanerup kingorna ullut pingasut, qulit, 20-t, 30-llu qaangiunnerini, nammineersinnaajunnaarsitaanerlu atuutsillugu, tamatuma kingorna minnerpaamik sap. ak. sisamakkaarlugit naliliivigineqarnerata kingunera.
- 6) Nakorsaanerup naliliisup aqqa.

§ 3. Qimaasup/takkutinngitsoortup pinngitsaaliisummik utertitaanerani pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Ulloq politiit ikiortigalugit napparsimasup utertinneqarnissaaq aalajangerneq.
- 3) Nakorsaanerup aalajangiisup aqqa.

§ 4. Pinngitsaaliisummik katsorsaanermi, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Katsorsaanerup suunera qanorlu annertutiginerata.
- 3) Pinngitsaaliisummik katsorsaanermut tunngavilersuut.
- 4) Nakorsaanerup nakorsaasiisup aqqa.
- 5) Nakorsap najuuttup aqqa.

§ 5. Angerlartitaareermermi pinngitsaaliisummik malittarineqarnermi, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Ulloq angerlartitaaffik.
- 3) Ulloq angerlartitaareermermi pinngitsaaliisummik malittarinninnissamik aalajangiivik.
- 4) Ulloq Inatsisartut Inatsisaanni § 17, imm. 6, naapertorlugu pinngitsaaliisummik malittarinninnerup sivitsorneqarnissaaq aalajangiiffik.
- 5) Katsorsaanerup suunera annertussusaalu.
- 6) Angerlartitaareermermi pinngitsaaliisummik malittarinninnissamut tunngavilersuut.
- 7) Nakorsaanerup inassuteqartuusup aqqa.
- 8) Taamaatitsineq.

Imm. 2. Inatsimmi § 17, imm. 3, naapertorlugu napparsimasup aaneqarnissaaq nakorsaaneq aalajangiippat, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Ulloq nakorsaanerup napparsimasumik aallernissamik aalajangiivia.
- 2) Nakorsap nakorsaasiisup aqqa.
- 3) Ulloq politiit ikiortigalugit unitsitaanermi, peqqinnissaqarfup immikkoortortaqarfia pinngitsaaliisummik nakorsaatitortinneqarfik.
- 4) Peqqinnissakkut sullissisup najuuttup aqqa.

§ 6. Pinngitsaaliisummik aalaakkiinermermi pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Pinngitsaaliisummik iliuuseqarnerup suunera annertussusaalu.

- 3) Pinngitsaaliisummik iliuuseqarnermut tunngavilersuut.
- 4) Ulloq pinngitsaaliisummik iliuuseqarfik taamaatitsivillu.
- 5) Nakorsap nakorsaasiisup aqqa.
- 6) Sulisut akuusut aqqi .
- 7) Ulloq Inatsisartut Inatsisaanni § 31, imm. 5, naapertorlugu nakorsap nutaamik naliliivia.
- 8) Inatsisartut Inatsisaanni § 31, imm. 5, naapertorlugu nakorsap nutaamik naliliisup aqqa.

§ 7. Nukersorfiginninnermi, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Pinngitsaaliisummik iliuuseqarnerup suunera annertussusaalu.
- 3) Pinngitsaaliisummik iliuuseqarnermut tunngavilersuutit, tassunga ilanngullugit sulisut akuusut tunngavilersuutaat.
- 4) Ulloq pinngitsaaliisummik iliuuseqarfik taamaatitsivillu.
- 5) Nakorsap nakorsaasiisup/najuuttup aqqa.
- 6) Sulisut akuusut aqqi.

§ 8. Napparsimasoq illersorniarlugu pinngitsaaliisummik aalaakkiinnermi, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Napparsimasoq illersorniarlugu aalaakkiinerup qanoq ittuunera.
- 3) Napparsimasoq illersorniarlugu aalaakkiinnermut tunngavilersuut.
- 4) Napparsimasoq illersorniarlugu aalaakkiinerup atorineqarsinnaaffia.
- 5) Nakorsap inassuteqartuusup aqqa.
- 6) Inatsisartut Inatsisaanni § 31, imm. 4, naapertorlugu nammieersinnaajunnaarsitaanerup kingorna ullut pingasut, qulit, 20-t, 30-llu qaangiunnerini, tamatumalu kingorna nammieersinnaajunnaarsitaaneq atuutsillugu minnerpaamik sap. ak. sisamat qaangiunnerini naliliivigineqarnerata kingunera.

§ 9. Inatsisartut Inatsisaanni § 24 naapertorlugu immikkut nakkutilliinnermi, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Pinngitsaaliisummik immikkut nakkutilliisitsinissamut tunngavilersuut.
- 3) Ulloq pinngitsaaliisummik nakkutilliilerfik taamaatitsivillu.
- 4) Nakorsap nakorsaasiisup aqqa.

§ 10. Inatsisartut Inatsisaanni § 26 naapertorlugu immikkoortortat immikkut parnaarneqarsinnaasut ilanngullugit matunik parnaarsinnermi, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup immikkoortortami parnaagaasumiittup aqqa inuttullu normua.
- 2) Matunik parnaarsinnermut tunngavilersuut.
- 3) Ulloq matunik parnaarsivik tamatuminngalu atorunnaarsitsivik.
- 4) Nakorsap nakorsaasiisup aqqa.

§ 11. Pinngitsaaliisummik iliuuseqarnernut nalunaarsuiffimmut ilanngussat allattugaatini nalunaarsugassaapput.

Imm. 2. Pinngitsaaliisummik iliuuseqarnernut nalunaarsuiffinnik suliaqarnermi, pinngitsaaliisummik iliuuseqarnermut nalunaarsuiffimmi allagaqaatip ilanngunneqarnissaa innersuussutigineqassaaq. Pinngitsaaliisummik iliuuseqarnermut nalunaarsukkat assilineri allattugaatinut ilanngunneqassapput.

§ 12. Napparsimasoq pinngitsaaliisummik iliuuseqarnernut nalunaarsuivinni imminut tunngasunik paasiniaanissamut pisinnaatitaaffeqarpoq.

Imm. 2. Napparsimasumut siunnersortissanngortitaasimasoq imm. 1-imi taaneqartumut tunngatillugu taamatulli pisinnaatitaaffeqarpoq.

Kapitali 2

Angerlartitaanermut atatillugu isumaqatigiissutit ataqatigiissaarinermullu pilersaarutit nalunaarsorneqarnerat

§ 13. Inatsisartut Inatsisaanni § 14 naapertorlugu angerlartitaanermut atatillugu isumaqatigiissusiornermi makku nalunaarsorneqassapput:

- 1) Napparsimasup aqqa inuttullu normua.
- 2) Ulloq unitsitaaffik angerlartitaaffillu.
- 3) Angerlartitaanermut atatillugu ulloq isumaqatigiissutip atuutilersinneqarfia atorunnaarsinneqarfialu.
- 4) Nakorsap nakorsaasiisup aqqa.

§ 14. Inatsisartut Inatsisaanni § 15 naapertorlugu ataqatigiissaakkamik pilersaarusionermi makku nalunaarsorneqassapput:

- 1) Napparsimasup aqqa inuttullu normua.
- 2) Ulloq unitsitaaffia angerlartitaaffialu.
- 3) Ulloq ataqatigiissaakkamik pilersaarusionerfik.
- 4) Nakorsap nakorsaasiisup aqqa.

§ 15. Angerlartsitaanermut atatillugu isumaqatigiissutininik ataqatigiissaarinermullu pilersaarutininik immikkoortortami nalunaarsuineri, napparsimasoq pillugu allattugaatini taama nalunaarsuisimaneq innersuussutaassaaq. Nalunaarsukkat assilineri allattugaatinut ilanngunneqassapput.

Imm. 2. Napparsimasumut tunngatillugu nalunaarsukkanik paasiniaanissaq napparsimasup pisinnaatitaaffigaa.

Kapitali 3

Nalunaaruteqartarnej

§ 16. Dronning Ingridip Napparsimmavissuani tarnimikkut nappaatilinnut immikkoortortaqaqarfinni nakorsaaneq iliuuserisanik §§ 2-10-mi , §§ 13-14-imilu pineqartunik, Nunatsinni Nakorsaaneqarfinnmut nalunaaruteqartassaaq.

Imm. 2. Peqqissutsimut Pitsaaliuinerimullu Aqutsisoqarfinnmut aamma nalunaaruteqartoqartassaaq.

§ 17. Nalunaarutiginninneq § 16, imm. 1 aamma 2-mi pineqartoq, §§ 2-10-mi, §§13-14-imilu paasissutissanik piumasaqaatigineqartunik imaqassaaq.

Kapitali 4

Atuutilersitsineq

§ 18. Nalunaarut atuutilersinneqarpoq 16. december. 2013.

Namminersorlutik Oqartussat, ulloq 2. december 2013

Steen Lynge

/

Ann Birkekær Kjeldsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut